

監本纂圖重言重意互註點校毛詩

八



Faint, ghostly text impressions, likely bleed-through from the reverse side of the page. The text is arranged in vertical columns within a rectangular border. The characters are difficult to decipher but appear to be in seal script.



監本纂圖重言重意互註毛詩卷第十九

清廟之什詒訓傳第二十六

陸曰周頌三十一篇皆是周室太平德洽著成功之樂歌也
名之曰頌頌者誦也谷也歌誦盛德序太平之形容以此至
美告於神明皆成
王周公時作也
互註 左襄二十九年季札來聘請觀周樂
為之歌頌曰至矣哉直而不倨曲而
不屈邇而不偏遠而不攜遷而不淫復而不厭哀而不愁樂
而不荒用而不遺廣而不宣施而不費取而不貪與而不底
行而不流五聲和八風平節
有度守有序盛德之所同也

毛詩周頌

鄭氏箋

清廟祀文王也周公既成洛邑朝諸侯率以祀

文王焉

清廟者祭有清明之德者之宮也謂祭文王也天德
者精神不可得而見但以生時之居立宮室象貌為之耳成洛
邑居攝五年時廟本又作攝古令字也苗笑反杜預云肅然清

廟肅雝顯相

於勤辭也穆美肅敬雝和相助也箋云顯光
敬且和又諸侯有光明著見之德者來助祭於音鳥注同後
發句皆放此以意求之相息亮反注同見賢通反下著見同

重意

肅雝顯相思文雝雝在宮肅肅
濟濟多士秉文之

德對越在天

執文德之人也箋云對配越於也濟濟之衆
七皆執行文王之德文王精神已在天矣猶

無射於人斯

駿長也顯於天矣見承於人矣不見厭於人
俱奔走而來在廟中助祭是不光明文王之德與言其光明之
也足不承順文王志意與言其承順之也此文王之德人無厭
之駿音峻下篇同射音亦厭也
重意 齊不顯不承無射於人斯思
見厭於豔反下同與音餘下同

互註

記大傳人道親親也親親故尊祖尊祖故敬宗敬宗故收
族收族故宗廟嚴宗廟嚴故重社稷重社稷故愛百姓愛

清廟

百姓故刑罰中刑罰中故庶民安庶民安故財用足財用足故百志成百志成故禮俗刑禮俗刑然後樂詩云不顯不承無斃於人斯此之謂也。樂記清廟之瑟朱絃而疏越一倡而三歎有遺音者矣。注云清廟謂作樂歌清廟也。仲尼燕居是故君子無物不在禮矣入門而金作示情也。升歌清廟示德也下而管象示事也。

清廟一章章八句

維天之命大平告文王也

告大平者居攝五年之末也文王受命不卒而崩今

天下太平故承其意而告之明六年制禮作樂。維天之命於

穆不已。命猶道也。天之道德於乎美哉勤而不止行而不已。於

乎不顯文王之德之純

純蓋穆不已蓋曰天之所以為

駿惠我文王

純大假嘉溢慎收聚也箋云純亦不已也溢

之無倦已美其與天同功也以嘉美之道饒術與我其其聚斂之以制法度以大順我文王之意謂為周禮六官之職也書曰

與音餘單音丹曾孫篤之

成王能厚行之也箋云曾孫猶重

維天之命一章章八句

維清奏象舞也

象舞象用兵時刺伐之也。左襄二十九年吳公子札

來聘請觀周樂見舞象削。南籥者曰美哉猶有憾。

維清緝熙文王之典

典法也。箋云緝

禋

禋始禋祀也箋云文王受命始於天而征伐也周

迄用

有成維周之禎

迄至禎祥也箋云文王造此征伐之法至

維天之命

法乃周家得天下之吉
重言 維周之禎重
祥迄許乞反禎音貞
見文王篇

維清一章五句

烈文成王即政諸侯助祭也

新王即政必以朝享之禮祭於祖考告嗣位也

通直

烈文辟公錫茲祉福惠我無疆子孫保之

列光也文王錫之箋云惠愛也光文百辟卿士及天下諸侯若天錫之以此祉福也又長愛之無有期竟子孫得傳世安而居之謂文王武王以純德受命定天位辟音璧

注下皆同祉音戚疆居良反竟也傳音專反
重意 烈文辟公錫

列文辟公

重言

子孫保之

無封靡于爾邦維王其崇

之念茲戎功繼序其皇之

封大也靡累也崇立也戎大皇美也箋云崇厚也皇君也

無大累於女國謂諸侯治國無罪惡也王其厚之增其爵士也念此大功勤事不廢謂卿大夫能守其職得繼世在位以其次序其君之者謂有大功王則

出而對之累勞為反下同

無競維人四方其訓之不

顯維德百辟其刑之於乎前王不忘

競疆訓道也前王武王也

箋云無疆乎維得賢人也得賢人則國家疆矣故天下諸侯順其所為也不勤明其德乎勤明之也故卿大夫之法其所為也

於乎先王文王武王其於此

重意

繼序其皇之於乎前王不忘

不

忘**互註** 其刑之是故君子篤恭而天下平。大學篇詩云於戲

前王不忘君子賢其賢而親其親小人樂其樂

烈文一章十三句

天作祀先王先公也

先王謂大王已下先公諸蓋至不

反又音俯

天作高山大王荒之

作生荒大也天生萬物

天之所作也箋云高山謂岐山也書曰道岍及岐至于荆山天生此高山使興雲雨以利萬物大王自幽遷焉則能尊大之廣

其德澤居之一年成邑二年成都三年五倍其初

彼作矣文

列文

王康之彼徂矣岐有夷之行

夷易也箋云彼彼為民也徂往行道也彼為民

居岐邦者皆築作宮室以為常居文王則能安之後之往者又以岐邦之君有佼易之道故也易曰乾以易知坤以簡能易則易知簡則易從易知則有親易從則有功有親則可以久有功則可大可久則賢人之德可大則賢人之業以此訂大王文王之

天作一章七句

昊天有成命郊祀天地也。昊天有成命二后

受之成王不敢康夙夜其基命宥密

二后文武也基始命信宥寬密

寧也箋云昊天大號也有成命者言周自后稷之生而已有王命也文王武王受其業施行道德成此王功不敢自安逸早

夜始順天命不敢解倦行寬仁安靜之政以定天下寬仁所以止詩刻也安靜所以息暴亂也成王王如字徐于况反其亦作

其同音懈下同音河刻音克既得略而聞之矣敢問何

詩近之孔子曰夙夜其命宥密無聲之樂也威儀逮逮不

緝熙單厥心肆其靖之

緝明熙廣單厚肆固靖和也箋云廣當為光固當為故字之誤

也於美乎此成王之德也既光明矣又能厚其心矣為之不解倦故於其功然能和安之謂夙夜自勤至於天下太平單都但

反注 重意 止敬之學有緝熙于光明

昊天有成命一章七句

我將祀文王於明堂也。我將我享維羊維牛

維天其右之

將大享獻也箋云將猶奉也我奉養我享祭之羊牛皆充盛肥脂有天氣之力助言神饗

其德而右助之將如字享許丈反徐許亮反右音又注儀及下同本亦作佑肥脂徒忽反說文云羊曰肥豕曰脂儀式

昊天有成命

刑文王之典日靖四方

儀式刑文王之典日靖四方

作互註 國作封洫立謗政制參辟鑄刑書將以靖民不亦難乎

詩曰儀式刑文王之德日靖四方又曰儀刑

文王萬邦作孚如是則何辟之有民知爭端矣

伊嘏文王既

右饗之則式象法行文王之常道以日施政于天下維受福

於文王文王既右而饗之言

受而福之遐古雅反毛大也

我其夙夜畏天之威于時

保之箋云于於時是也早夜敬

齊侯其不免乎已則無禮而計於有禮者禮以順天天之道也

在周頌曰畏天之威于時保之不畏于天將何能保

詩曰畏天之威于時保之敬主之謂也

○孟梁惠王下孟子曰

以大事小者樂天者也以小事大者畏天者也樂天者保天下

畏天者保其國詩云

畏天之威于時保之

我將一章十句

時邁巡守告祭柴望也

巡守告祭者天子巡行邦國至

二月東巡守至于岱宗柴望秩于山川編于羣神巡音旬守手

又反本或作狩注同柴士佳反說文字林作柴行下孟反下出

行同禪市戰

○時邁其邦昊天其子之實右序有周

薄言震之莫不震疊懷柔百神及河喬嶽允王

維后

邁行震動疊懼懷柔安喬高也高嶽岱宗也箋云薄

謂巡守也天其子愛之右助次序其事謂多生賢知使為之臣

也其兵所征伐甫動之以威則莫不動懼而服者言其威武又

見畏也王行巡守其至方嶽之下來安羣神望于山川皆以尊

卑祭之信哉武王之宜為君美之也

反柔如字本亦作濡兩通俱訓安也

明昭有周式序在位

我將時邁

載戢干戈載櫜弓矢

戢聚櫜也箋云載之言則

效也

復用此又著震疊之效也戰側立我求懿德肆于時夏

反響音羔吐乃一反復扶又反夏大也箋云懿美肆陳也我武王求有美德之上而任用之故陳其功於是夏而歌之樂歌大者稱夏肆音四戶雅反下注

同允王保之箋云允信也信哉武王之德能長保此時夏之美
王克之商作頌曰載戢干戈載櫜弓矢我求懿德肆于時夏允王保之又作武其卒章曰者定爾功其三曰鋪時繹思我祖惟求定其六曰綏萬邦屢豐年夫武禁暴戢兵保大定功安民和眾豐財者也故使子孫無忘其章

時邁一章十五句

執競祀武王也韓詩云執服也○執競武王無競

維烈不顯成康上帝是皇無競競也烈業也不顯乎其成大功而安之也顯乎其皇美也箋云競疆也能持疆道者維有武王耳不疆乎其克

也皇美也箋云競疆也能持疆道者維有武王耳不疆乎其克
簡之功業言其疆也不顯乎其成安祖考之道言其又顯也天以是故美之予之福
綠大功本或作天功
重言無競維烈重意上帝是皇閣自彼

成康奄有四方斤斤其明自彼成康用彼成安之道也奄同也斤斤明察也箋云四方謂天下也武王用成安祖考之道故受命伐

紂定天下為周明察之君斤斤如也斤紀觀反
重言奄有四方
重意奄有四方閣又鍾鼓喤喤磬筦將將

降福穰穰降福簡簡威儀反反既醉既飽福祿

來反皇皇和也將將集也穰穰眾也簡簡大也反反難也反復也箋云反反順習之貌武王既定天下祭祖考之廟

奏樂而八音克諧神與之福又眾大謂如假辭也君臣醉飽禮無違者以重得福祿也
皇華彭反徐音皇又音宏注同
音管
本亦作管同
將七羊反注同說又作楚楚行貌穰如羊反反
反如字沈符板反又音販復扶又反重也又音服重直用反
重言威儀反反重見賓之初筵

執競一章十四句

思文后稷配天也。思文后稷克配彼天立我

執競

丞民莫匪爾極

極中也箋云克能也立當作拉丞綴北周公思先祖有文德者后稷之功能配天昔

堯遭洪水黎民阻飢后稷播殖百穀丞民乃粒萬邦作乂天下之人無不於女時得其中者言反其性丞之丞反粒音立阻莊

呂反難也馬融注尚書作祖云始也反 (五) 註 左成十六年楚子

音刈鄭注尚書五蓋又本或作又同 反將兵救鄭過申

見申叔時曰師其何如對曰德刑詳義禮信戰之器也上下和睦周旋不逆求無不具各知其極故詩曰立我丞民莫匪爾極

貽我來牟帝命率育無此疆爾界陳常于時夏

牟麥率用也箋云貽遺率循育養也武王渡孟津白魚躍入王舟出矣以燎後五日少流為烏五至以穀俱來此謂遺我來牟

天命以是循存后稷養天下之功而廣火其子孫之國無此封竟於女今之經界乃大有天下也用是波陳其父常之功於是

夏而歌之夏之屬有九書說烏以穀俱來云穀紀后稷之德貽音夷字又作詒同牟並加字字書作楚音同牟字或作麥孟子云麥大麥也唐雅云楚小麥楚大麥也疆居良反竟也介音界大也後放此夏戶雅反注同遺唯季反下同漢音仕燎力召反

竟音境本或作境

思文一章八句

清廟之什十篇十章九十五句

臣工之什詒訓傳第二十七

毛詩周頌

鄭氏箋

臣工諸侯助祭遣於廟也。嗟嗟臣工敬爾在

公王釐爾成來咨來茹

也諸侯來朝天子有不純臣之義於其將歸故於廟中正君臣之禮勅其諸官卿大夫云敬女在君之事王乃平理女之成功

如加預反徐音如度待洛反下同朝直遙反下皆同 重意 敬

何新畬

田二歲曰新三歲曰畬箋云保介車右也月令孟春天子親載耒耜措之於參保介之御問莫曉也周之

思文 臣工

季春於夏為孟春諸侯朝周之春故晚春遣之物其車右以時
事女歸當何求於民將如新田畬田何急其教農趨時也介甲
也車右勇力之士被甲執兵也莫音暮本或作暮注同
音餘未乃對反親音似措七故反夏戶雅反被皮寄反
於

皇來牟將受厥明明昭上帝迄用康年康樂也箋云將大迄

至也於美乎赤鳥以牟麥俱來故我周家大受其光明明謂為珍
瑞天下所休慶也此瑞乃明見於天至今用之有樂歲九穀豐

命我衆人庠乃錢鏹奄觀樂音洛下同見賢遍反

銓艾庠貝錢鏹鏹鏹鏹鏹也箋云奄久觀多也教我庶民具女用器終久必多益艾勸之也馬持取反錢子踐反鏹

或作齊呂氏春秋云鐸柄尺此其度也其鐸六寸以間稼也高
誘注云鐸芸田也六寸所以入苗間也字詁云頭長六寸柄長

一尺鐸古字也今作鐸同鐸戶郭反本或作鐸音同釋名云鐸
獲鐸也說文云鐸獲禾短鐸也此則鐸器可以獲禾故云鐸獲

也小爾雅云鐸謂之鐸截穎即獲也

臣工一章十五句

噫嘻春夏祈穀于上帝也祈猶禱也求也月令孟春祈穀于上帝夏則龍見而雩是

昭假爾率時農夫播厥百穀噫歡也噫和也成王成是王事也箋云噫嘻有

使民耕田而種百穀也成王如字又于况反

駉發爾私終三十里亦服爾耕十千維耦播厥百穀四

田也言上欲富其民而讓於下欲民之大發其私田耳終三十

里言各極其望也箋云駉疾也發伐也亦大服事也使民疾耕

發其私田竟三十里者一部一吏主之於是民大事耕其私田

萬耦同時舉也周禮曰凡治野田夫間有遂遂上有經十夫有

溝溝上有畛百夫有洫洫上有塗千夫有澮澮上有道萬夫有

臣工 噫嘻

二邦為耦一川之間萬夫故有萬耦刺言二十里者舉其成數
駁本亦作浚音峻毛大也鄭云疾也經古定反(畛)之忍反又之
人反(洫)况域反(澮)
古外反廣古曠反

噫嘻一章八句

振鷺二王之後來助祭也二王夏殷也其後祀也宋也
振鷺上之慎反下音路一名

亦有斯容興也振振羣飛貌鷺白鳥也雝澤也客二王之後
也其至止亦有此容言威儀之善如鷺然(處)昌慮反

亦在彼無惡在此無數庶幾夙夜以永終譽見有譽
箋云在彼謂居其國無怨惡之者在此謂其來朝人皆愛

敬之無厭之者永長也譽聲美也(數)音亦厭也(厭)於豔反
記中庸君子動而世為天下道行而世為天下法言而世為天

下則遠之則有望近之則不厭詩曰在彼無惡在此無射庶幾
夙夜以求終譽君子未有不

如此而益有譽於天下者也

振鷺一章八句

豐年秋冬報也報者謂嘗也然
也豐芳弓反

豐年多黍多稌亦

有高廩萬億及秭曲字大秭猶也廩所以藏盛盛之德也
數萬至萬曰億數億至億曰秭箋云

豐年大有年也亦大也萬億及秭以言穀數多秭音杜余勅古
反廩徐力錦反又力在反倉也秭亦景反一本作數韓詩曰陳

穀曰秭也(盛)盛上音資下音成
總音遂數色主反下數億同

為酒為醴烝畀祖妣以

洽百禮降福孔皆皆徧也箋云丞進畀予也(醴)音禮畀
必寐反予也注同妣必履反洽胡甲

反本或作洽徧(重)言
萬億及秭為酒為醴丞畀祖妣以洽百禮

音遍(予)音與(重)言
重見載交。以洽百禮三本詩賓之初筵

豐年一章七句

振鷺 豐年

有瞽始作樂而合乎祖也

王者治定制禮功成作樂合者大合諸樂而奏之擊音自古

無目眈曰瞽朕音直謹反木或作鼓合乎祖也本或作合乎大祖治直吏反

有瞽有瞽在周

之庭設業設虞崇牙樹羽應田縣鼓鞀磬祝圉

瞽樂官也業大板也所以飾柶為縣也捷業如鋸齒或曰畫之植者為虛衡者為柶崇牙上飾卷然可以縣也樹羽置羽也應小鞀也田大鼓也縣鼓周鼓也鞀鞀鼓也祝木柶也圉揭也箋云瞽瞽也以為樂官者目無所見於音聲審也周禮上瞽四十八人中瞽百人下瞽百六十人有視瞭者相之又設縣故田當作棘棘小鼓在大鼓傍應鞀之屬也聲轉字誤變而作田虞音巨應應對之應注同田毛如字鄭作棘音胤縣音玄注皆同鞀字亦作鞀音挑祝尺叔反圉魚呂反柶荀允反錫音據植時力反又直吏反衡華音反卷音權又起圓反鞀音步苦江反相苦瞎反瞽音蒙有目眈而無見也瞭音了視瞭有目人也相息亮

既備乃奏蕭管備舉喤喤厥聲肅雝和鳴先

祖是聽箋云既備自縣也棘也皆畢已也乃奏謂樂作也蕭編小竹管如今賣錫者所吹也管如遂併而吹之喤

華音反又音橫又音皇編薄珍反又必縣反史記音甫連反字林聲類韻集並布千反錫夕清反蜜也又音唐方言云張皇也即乾鏞也音唐遂字又作

我客戾止永觀厥成箋云我

之後也長多其成功謂深感於和樂遂入善道終無愆過

觀古玩反又如字注同多也樂如字或音洛愆去連反

有瞽一章十三句

潛季冬薦魚春獻鮪也冬魚之性定春鮪新來薦獻之者謂於宗廟也潛在廉反爾雅

作潛郭音替又音岑韓詩云潛魚也小雅作潛時砧反鮪于軌反

有鱣有鮪鱣鱣鯉漆沮岐周之二水也潛慘也箋云

也鱣白鱣也鮪鮪也倚於且反與音餘漆音七相七徐反鱣張連反鱣音條鮪音嘗鯉音假鯉音甲漆音素感反舊詩傳及爾雅本並作米旁參小爾雅云魚之所自謂之鱣鱣也謂積柴水中令魚依之止息因而取之也郭景純因改爾雅從小爾雅作

有鱣有鮪鱣鱣鯉

有瞽 潛

木旁參音藉甚反又疏廢反又心廩反字林作霖音山沁
反義同(鮪音洛爾雅云鮪叔鮪鮪乃謙反沈又奴廉反)
有鱣有鮪四(重言)以享以祀以介景福(重言)以享
月匪鱣匪鮪(重言)以介景福四楚茨
大田旱麓各一

潛一章六句

雝禘太祖也(禘大祭也大於四時而小於禘太祖謂文王
禘大計反大音泰裕戶炎反合也大祭名也)

有來雝雝至止肅肅相維辟公天子穆穆於薦

廣牡相予肆祀(相助廣大也箋云雝雝和也肅肅敬也
是來時雝雝然既至止而肅肅然者乃助
王禘祭百辟與諸侯也天子是時則穆穆然於進大壯之牲百
辟與諸侯又助我陳祭祀之饌言得天下之歡心(相)息亮反注
同(辟音璧君也注同(重言)有來雝雝至止肅肅
於鄭如字王音烏(重言)肅詳見清廟詩)假哉皇考綏

子孝子宣哲維人文武維后(假嘉也箋云宣徧也嘉
哉皇考斥文王也文王
之德乃安我孝子謂受命定其基業也又徧使天下之人有才
知以文德武功為之君故(假音暇徐古雅反)陟列反亦作哲
同(徧音徧下(重言)燕及皇天克昌厥後綏我眉壽介以

繁祉(燕安也箋云繁多也文王之德安及皇天謂降瑞應無
變異也又能昌大其子孫安助之以考壽與多福祿克
昌如字或云文王名此禘於文王之詩也周人(重言)綏我眉壽
以諱事神不應犯諱當音處亮反應對之應(重言)重見烈祖

既右烈考亦右文母(烈考文王也文母大妣也箋云烈
乃以見右助於光明之考與文德之母歸美焉
右音祐下同助也大妣音泰下音似文玉妃)

雝一章十六句

載見諸侯始見乎武王廟也(見賢徧反下同)載見辟王

曰求厥章龍旂陽陽和鈴央央雝革有鷁休有

烈光(載始也龍旂陽陽言有文章也和在軾前鈴在旂上雝
革有鷁言有法度也箋云諸侯始見君王謂見成王也)

雝 載見

曰求勳章者求車服禮儀之文章制度也交龍為旂降章者
也鶴金飾貌休者休然盛壯也音璧下同鈐音零左傳云鈐鑿
和鈐昭其聲也決於良反徐音英(隴音條)七羊
反本亦作鈐同休許刻反又許求反注同載音式
以孝以享以介眉壽永言保之思皇多祜昭考
也享獻也箋云言我皇君也諸侯既以朝禮見於成王至祭時
伯又率之見於武王廟使助祭也以致孝子之事以獻祭祀之
禮以助考壽之福長我安行此道思使成王
文辟公綏以多福俾緝熙于純嘏箋云俾使純大也
王乃光文百辟與諸侯安之以多福使光明於大嘏之意天子
受福曰大嘏辭有福祿之言理必爾反本又作俾緝七入反嘏
古雅反(祿才故反)

載見一章十四句
有客微子來見祖廟也成王既黜殷命殺武庚命微子

客二王之後為客也(見賢遍反)序注同黜勅律反又作絀同
有客有客亦白其馬○有客有客亦白其馬

有萋有且敢琢其旅殷尚白也亦亦局也萋且敬慎貌

亦亦武庚也武庚為二王後乘殷之馬獨賢而見尊與故言亦駁而美之其

來威儀妻妻且且盡心力於其事又選擇衆臣卿大夫之賢者

與之朝士言數琢者以賢美之故王言之箋七西反且七序反

數都回反徐又音思琢陟角反重直用反省音笑駁鄭邦角反以音角雜也
有客宿宿有客信

信言受之繫以繫其馬一宿曰宿再宿曰信欲繫其馬

皆愛微子其所館宿可以去矣而言薄言追之左右綏

糾其馬意各殷勤繫陟立反綏音半
既有淫
威降福孔夷淫大威則夷易也箋云既有大則謂用殷正

言動作而有度(重意)降福孔夷豐
功以既反下同
載見 有客

有客一章十二句

武奏大武也

大武周公作樂所為舞也如字徐音泰注同

互注

左襄二十九年吳公子札來聘

請觀周樂見舞大武者曰美哉周之盛也其若此乎

於皇武王無競維烈允文

文王克開厥後

列業也箋云皇君也於乎君哉武王也無疆乎其克商之功業言其疆也信有文德

哉武王也能開其子孫之基緒於音鳥注同

重言

無競維烈嗣武受之勝殷遏

劉耆首定爾功

武迹劉殺耆致也箋云遏止耆老也嗣子武王受文王之業舉兵伐殷而勝之以止天下

之暴虐而殺人者年老乃定女之此功言不汲汲於誅紂須暇五年過於葛反音毛音指致也鄭巨移反韓詩音同鄭云惡也

汲音急

武一章七句

臣工之什十篇十章一百六句

閔予小子之什詒訓傳第二十八

毛詩周頌

鄭氏箋

閔予小子嗣王朝於廟也

嗣王者謂成王也除武王之喪將始即政朝於廟也

朝直遙反注同 閔予小子遭家不造嫫嫫在疚

閔病造為疚病也箋

云閔悼傷之言也造猶成也可悼傷乎我小子耳遭武王崩家道未成嫫嫫然孤特在憂病之中嫫其傾反崔本作瑩痲本又

音救 於乎皇考永世克孝念茲皇祖陟降庭止

庭直也箋云茲此也陟降上下也於乎我君考武王長世能孝謂能以孝行為子孫法度使長見行也念此君祖文王上以直

道事天下以直道治民信無私枉

重意

陟降庭止訪落陟降厥

維予小子夙夜敬止於乎皇王繼序思不忘

序

也箋云夙早敬慎也我小子早夜慎行祖考之道言不敢解倦也於乎君王歎文王武王也我繼其緒思其所行不忘也解音

懈重言維予小子三本詩重意於乎皇王繼序思不忘列文詩

夙夜敬止文王詩於緝熙敬止

閔予小子一章十一句

訪落嗣王謀於廟也謀者謀政事也訪予落止率時昭

考於乎悠哉朕未有艾將予就之繼猶判渙訪謀

落始時是率循悠遠猶道判分渙散也箋云昭明文數猶圖也成王始即政自以承聖父之業懼不能遵其道德故於廟中與羣臣謀我始即政之事羣臣曰當循是明德之考所施行故咨之以謙曰於乎遠哉朕於是有數言遠不可及也艾扶將我就其典法而行之繼續其業圖利所失分散者

維予小子

未堪家多難箋云多難也我小子耳未任統理國家眾難謂諸政有業未平者難如字協韻乃曰重言維予小子三閔予

反任音壬下二篇注皆同長張丈反重言維予小子三閔予

紹庭上下陟降厥家休矣皇考以保

明其身箋云紹繼也厥家謂羣臣也繼文王陟降庭止之道道尊安其身謂定天下居天子之位休許糾反

訪落一章十二句

敬之羣臣進戒嗣王也敬之一本無之字敬之敬之天

維顯思命不易哉互注左傳二十二年邾人以須句故

文仲曰國無小不可易也無備雖眾不可恃也詩曰戰戰兢兢如臨深淵如履薄冰又曰敬之敬之天維顯思命不易哉先王之明德猶無不難也無不懼也况我小國乎君其無謂邾小蓬蠱

陟降厥士日監于茲顯見士事也箋云顯光監視也羣臣見王謀即政之事故因時戒之

訪落 敬之

曰敬之哉敬之哉天乃光明去惡與善其命吉凶不變易也無謂天高文高在上遠人而不畏也天上下其事謂轉運日月施其所行日月瞻視近在此也易鄭音亦王以政反見賢遍反遠于萬反時掌反重意陟降厥士詳維

予小子不聰敬止日就月將學有緝熙于光明

佛時仔肩示我顯德行小子嗣王也將行也光廣也佛也佛輔也時是也仔肩任也羣臣戒成王以敬之意日就月行言當習之以謙云我小子耳不聰達於敬之意日就月行言當習之以積漸也且欲學於有光明之光明者謂賢中之賢也輔佛是任示道我以顯明之德行是時自知未能成文武之功周公始有居攝之志佛毛符弗反鄭音獨仔音茲毛云仔肩克也此二字其訓鄭亦同訓此二字云仔肩任也肩古賢反德行下孟反注同道重言維予小子三閔子音導重言小子訪落本詩

敬之一章十二句

小瑟嗣王求助也瑟慎也天下之事當慎其小小時而不慎後為禍大故成王求忠臣早輔助已

為政以救患難音必難乃旦反禍難之難皆同○予其懲而於後患莫予弇

蜂自求辛螫瑟慎也非蜂擊也箋云懲艾也始者管叔後三監叛而作亂周公以王命舉兵誅之歷年乃已故今周公歸政成王受之而求賢臣以自輔助也曰我其劓艾於往時矣

畏慎後復有禍難羣臣小人無敢我擊也謂將有刑誅懲直升反

信也女如是徒自求辛苦毒螫之害耳謂將有刑誅懲直升反

韓詩云苦也音釋韓詩作辛救救事也摩尺制反本又作掣曳以制反艾音

刺字或作忒下同初亮反肇允彼桃蟲拚飛維鳥桃

屬雖有流言之罪如鷦鳥之小不登誅之後反叛而作亂猶鷦鷯也鳥之始小然大者箋云肇始允信也始者信以彼管蔡之屬雖有流言之罪如鷦鳥之小不登誅之後反叛而作亂猶鷦鷯

惡聲之鳥拚芳煩反鷦子消反鳥始小後大者也未堪家多

難予又集于蓼堪任予我也我又集于蓼言辛苦也箋云

使周公居攝時也我又會於辛苦重言未堪家多難

敬之 小瑟

小豳一章八句

載芟春藉田而祈社稷也

藉田甸師氏所掌王載耒耜所耕之田天子千畝諸侯百

畝藉之言借也借民力治之故謂之藉田交所銜反除草也甸田見反

○載芟載柞其耕澤

澤千耦其耘徂隰徂畛侯主侯伯侯亞侯旅侯

疆侯以除草曰芟除木曰柞畛場也主家長也伯長子也亞

謂新發田也畛謂舊田有徑路者疆有餘力者周禮曰以疆予

任民以謂閭民今時傭賃也春秋之義能東西之曰以成王之

時萬民察治田業將耕先始芟柞其草木土氣丞達而和耕之

則澤澤然解散於是耘除其根株輩作者千耦言趨時也或往

之隰或往之畛父子餘夫俱行疆有餘力者相助又取傭賃務

疾用已當種也柞側伯反除木也澤澤音釋二注同爾雅作郝

音同云耕也郭云言土解也耦五口反云音云本又作耘除草

也畛之烈反徐又音真疆其良反場音亦又作易長張丈反下

同徑古定反間音開傭音容

賃女鳩反丞音證解音蟹

有嗇其饁思媚其婦有依

其士嗇衆貌士子弟也箋云饁饋饁也依之言愛也婦子來

饋其愧反饁式亮反

有略其耜俶載南畝播厥百

穀實函斯活略利也箋云俶載當作熾苗播種也實種

乃更以利耜熾苗之而後種其種皆成好含生氣略如字字書

作契同俶載毛並如字鄭作熾苗下篇同函戶南反下篇同熾

尺志反盛也通側其反種重言俶載南畝播厥百穀實函斯活

章勇反下其種同株音誅重見良耜大田重上二句噫嘻

重中驛驛其達有厭其傑厭厭其苗絲絲其麋

達射也有厭其傑言傑苗厭然特美也麋耘也箋云達出地也

傑先長者厭厭其苗衆齊等也驛音亦爾雅作繹云生也厭於

豔反下同絲絲如字爾雅云麋也韓詩作民民云衆貌應表嬌

反芸也說文作撫音同云撫擗鉏田也字林云撫耕禾間也方

遙反射食亦載獲濟濟有實其積萬億及秭

箋云難者穗衆難進也有實實成也其積之乃萬億及

秭言得多也獲戶郭反積子賜反又如字注同秭音姊

為酒

為醴丞畀祖妣以洽百禮

箋云丞丞進界予洽合也進予祖妣謂祭先祖妣也

有飶其香邦家之光

飶芬芳也箋云芬芳之酒醴饗燕賓客則多得其歡心於國家有榮譽

有椒其馨胡考之寧

椒猶飶也胡壽也考成也

匪且有且匪今斯今振古如茲

且此也振自也箋云匪非也振亦古

也饗燕祭祀心非云且而有且謂將有嘉慶禎祥先來見也心非云今而有此今謂嘉慶之事不聞而至也言脩德行禮莫不獲報乃古古而如此所由來者久非適今

時且七也反又子餘反下同見賢遍反

載芟一章三十一句

良耜秋報社稷也

畝播厥百穀實函斯活

畝也種此百穀其種皆成好言生氣言得其時稷也

或來瞻女載筐及筥其

饗伊黍其苙伊糾其縛斯趙以疇茶麥

刺也麥水草也箋云瞻視也

所以盛黍也豨豕之時雖賤者猶食黍饗者見戴糾然之苙以田器刺地疇去茶麥之事言閱其勤苦

苙亮反苙音立糾居黝反又其較反縛音博趙徒了反沈起了反又徒少反疇呼毛反說文云拔田草也又云或作苙引此以

反起呂茶麥朽止黍稷茂止獲之揜揜積之栗栗

良耜

其崇如墉其比如櫛以開百室

多也墉城也箋云百

室一族也草穢既除而禾稼茂禾稼茂而穀成熟穀成熟而積聚多如墉也如櫛也以言積之高且相比泊也其已治之則百室開戶納之千耦其耘輩作尚衆也一族同時納穀親親也百室者出必共洫間而耕入必共族中而居又有祭醕合醪之歡。巧虛有反爛也。恆珍粟反。積子賜反。毗志反。注同。櫛側瑟反。醕音浦。又音步。醪其據反。又其略反。合錢飲酒也。

室盈止婦子寧止殺時博牲有捄其角以似以

續續古之人

黃牛黑脊曰特社稷之牛角尺以似以續嗣則安無行饑之事於是殺牲報祭社稷嗣前歲者復求有豐年也續往事者復以養人也續古之人求有辰同猶也特如淳反

捄音蚪復扶又反下同

良耜一章二十三句

絲衣繹賓尸也高子曰靈星之尸也

繹又祭也天子諸侯曰繹

以祭之明日卿大夫曰賓尸與祭同日周曰繹商謂之彤繹絲衣繹祭之服音亦祭之明日又祭也字書作襍彤係戎反尚書作融。絲衣其紆載弁依倅自堂徂基自羊徂牛

鼎鼎及鼐

絲衣祭服也紆繫鮮貌依倅恭順貌基門塾之謂之鼐箋云載猶戴也弁爵弁也爵弁而祭於王士服也繹禮輕使士升門堂視壺濯及盥且之屬降在於基告濯具又視牲

從羊之牛反告充已乃舉鼎幕告祭禮之次也鼎園弁上謂之彝紆乎浮反徐孚不反又音培又音弗載如字又音戴同弁皮變反。倅音求恭慎也說文作絛同。鞮乃代反郭音乃。龜音茲徐音炎郭音才說文作鉞字音茲。塾音孰門側堂也或音首。龜亡歷反本亦作龜。圖兜觥其觶旨酒思柔不吳不敖胡

考之休

吳諱也考成也箋云柔安也繹之依士用兜觥變於祭也飲美酒者皆思自安不謹謹不敖慢也此得壽

觥音斟本又作斛。吳舊如字說文作吳。吳大言也何承天云吳字誤當作吳。從口下大故魚之大口者名吳。胡化反。此音思。驚俗也音話。敷五誥反本又作傲。注同。譚音述。謹火官反又火元

絲衣

反慢云兇解其解旨酒
重言思柔重見桑扈
重意不吳不傲洋
水不吳不揚

絲衣一章九句

酌告成大武也言能酌先祖之道以養天下也

鑠王師遵養時晦時純熙矣是用大介鑠美也

我龍受之蹻蹻王之造載用有嗣蹻龍和也蹻

實維爾公允師公允師舉其克勝者實維女之事信得用

酌一章九句

桓講武類禡也桓武志也類也禡也皆師祭也禡馬

綏萬邦婁豐年箋云綏安也婁也也誅無道安天

天命匪解桓桓武王保有天命匪解桓桓武王保有

厥士于以四方克定厥家士事也箋云天命為善不

昭于天皇以間之間代也箋云于日也皇君也於明乎

以武王代之於音鳥注重言於昭于天重

酌桓

桓一章九句

賚大封於廟也賚予也言所以錫予善人也

武王伐紂時封諸臣有功者

○文王既勤止

左宣十二年

我應受

之數時繹思我祖維求定

勤勞應當繹陳也箋云數猶漏也文王既勞心於政

事以有天下之業我當受之數是文王之勞心能陳繹而行

時周之命於繹思

箋云勞心者是周之

所由也於女諸臣受封者陳繹而思行之以文王之功

業勸之於鄭如字王音鳥王于况反又如字下篇同

賚一章六句

般巡守而祀四嶽河海也

般樂也般薄寒反注同守

注本用此

○於皇時周陟其高山隴山喬嶽允猶

翁河

高山四嶽也隴山山之隴隴小者也翁合也箋云皇君

其高山而祭之望秩於山川小山及高嶽皆信案山川之圖而

次序祭之河言合者河自大陸之北數為九祭者合為一於音

敷天之下

哀時之對時周之命

哀聚也箋云哀眾對配也徧天之

是周之所以受天命而王也哀蒲侯反於繹思毛詩無此句齊

魯韓之詩今毛詩有者衍文也崔集注本有是採三家之本崔

般一章七句

閔予小子之什十一篇十一章百三十七句

賚般

卷終

監本纂圖重言重意互註毛詩卷第二十

駟詰訓傳第二十九

陸曰本或作駒之什者是
隨例而加耳商頌亦然

毛詩魯頌

魯者周公之子伯禽所封之國也周

公有大勳勞於天下成王留之輔相而封伯禽焉其封或在禹貢徐州蒙羽之野十七世至僖公當周惠王襄王之時能導伯禽之法外征淮夷內脩德教國人美之於是國卿季文子請周而使史克作頌四篇夫子刪詩錄之者以周公有致太平之功成王命魯郊祭用天子禮

鄭氏箋

駟頌僖公也僖公能遵伯禽之法儉以足用寬

以愛民務農重穀牧于坰野魯人尊之於是季

孫行父請命于周而史克作是頌

季孫行父季文子也史克魯史

也駟古發反說文作駟又作駟同駟徐音曰駟古發反徐又苦發反或苦發反遠也下同父音甫注同

駟駟牡

馬在坰之野

駟駟良馬腹幹肥張也坰遠野也邑外曰郊坰野者民居與邑也周禮曰以官山牛田官田牧田任遠郊之地也杜茂后反草木疏云陸馬也說文同本或作牧

言駟者有駟有皇有驪有黃以車彭彭

則駟駟然

駟馬白跨曰駟黃白曰皇純黑曰驪黃駟曰黃諸侯六閑馬四種有良馬有戎馬有田馬有駑馬彭彭有力有容也箋云坰之牧地水草既美牧人又良飲食得其時則自肥健耳駟戶橘反阮孝緒于密反野王餘橘反郭音述駟力知反沈又郎西反說文字林云深黑色馬也陸苦花反又苦故反又胡厓反郭云辭間也蒼頡篇云兩股間也駟自營反赤黃曰駟下文同字林火營反種章勇反駑音汝飲

馬斯臧

箋云臧善也僖公之思導伯禽之法反覆思之無有竟已乃至於思馬斯善多其所及廣博疆居良反竟

駟駟牡馬在坰之野

薄言駟者有駟有駟

駟有駟有駟以車任任

蒼白雜毛曰駟黃白雜毛曰駟赤黃曰駟蒼頡曰駟任任有力

則又舞燕樂以盡其歡君臣於是則比皆喜樂也咽本又作噉同
鳥玄反又於巾反樂音洛注言宮樂下于胥樂兮及注安樂同朝
直通重言振振鷺鼓咽咽各二並見本重意于胥樂兮系有
反重言詩○于胥樂兮二並見本詩

馱有馱馱彼乘牡風夜在公在公飲酒言臣有餘
敬而君有

餘振振鷺鷺于飛鼓咽咽醉言歸于胥樂兮箋
云

飛喻奉巨然酒辭欲退也。有馱有馱馱彼乘駒青驥曰駒嗚呼反
音又風夜在公在公載燕箋云載之自今以始歲

其有君子有穀詒孫子于胥樂兮歲其有豐年也
箋云載善詒遺

也君臣安樂則陰陽和而有豐年其善道則可以遺子孫也歲
其有本或作歲其有矣又作歲其有年者矣皆衍字也詒孫子
以之反本或作詒孫子詒于孫子皆是妄加也遺唯季反下同

有馱三章章九句

泮水頌僖公能脩泮宮也泮音思樂泮水薄

采其芹泮水泮宮之水也天子辟雍諸侯泮宮言水則採取
其芹宮則採取其化箋云芹水菜也言已思樂僖公

之脩泮宮之水復伯禽之法而往觀之采其芹也辟雍者樂土
離水之外圍如壁四方來觀者均也泮之言半也泮水者蓋東

西門以南通水北無也天子諸侯宮異制因形然僖音希泮音
判本亦作類泮宮諸侯之學也泮半也半有水半無水也鄭注

禮記言類班也所以班政教也其巾反重言思樂泮水二
並見本詩重意

噦噦無小無大從公于邁戾來止至也言觀其旂言法
則其文章也葭葭言有法度

也噦噦言有聲也箋云于往邁行也我采泮水之芹見僖公來
至于泮宮我則觀其旂葭葭然鸞和之聲噦噦然臣無尊卑皆

從君行而來稱言此者僖公賢君人樂見之重言魯侯戾止三
夜蒲害反又音貝反本又作伐噦呼會反重言見本詩○言

思樂泮水薄采其藻魯侯戾止其馬

有馱 泮水

躑躑其馬躑躑其音昭昭

其馬躑躑言疆盛也箋云其音昭昭信公之德音

音早水草也躑躑居表反昭之繞反

載色載笑匪怒伊教

色溫潤也箋云信公之至洋宮

和顏色而笑語非有所怒於身有所教化也

思樂洋水薄采其芣

芣音非也

音柳草昭明藻反于實云今之艷艷草堪為流江東有之何承天云此菜出東海堪為道醬也鄭小同云江南人名之尊菜生

陽澤中草木疏同又云或各水葵一云今之浮菜即猪蓴也本草有薺葵陶弘景以入有名無用品解者不同未詳其正沈以小同及草木跡所說為得薺音符

錫難老

箋云在洋飲酒者徵先君子與之行飲酒之禮而最壽考也長賜之者如王制所云八十

醜

屈收醜眾也箋云順從長遠屈治醜惡也是時淮夷叛逆

伊祐

箋云祐福也國人無不法極之者

其德既作洋宮淮夷攸服

箋云克能攸服所也言信公能明其德脩洋宮而德化

淑問如臯陶在洋獻囚

囚拘也箋云矯矯武貌誠所格

于征狄彼東南

桓桓威武貌箋云多士謂虎臣及如臯陶

敬慎威儀維民之則允文允武昭假烈祖

假至也

靡有不孝自求

明明魯侯克明

濟濟多士克廣德心桓桓

音送臯陶唐虞之上官

于征狄彼東南

桓桓威武貌箋云多士謂虎臣及如臯陶

敬慎威儀維民之則允文允武昭假烈祖

假至也

靡有不孝自求

明明魯侯克明

濟濟多士克廣德心桓桓

音送臯陶唐虞之上官

于征狄彼東南

桓桓威武貌箋云多士謂虎臣及如臯陶

敬慎威儀維民之則允文允武昭假烈祖

假至也

靡有不孝自求

明明魯侯克明

濟濟多士克廣德心桓桓

音送臯陶唐虞之上官

于征狄彼東南

桓桓威武貌箋云多士謂虎臣及如臯陶

泮水

淮夷伐王他麻反遠也孫毓同鄭作劇音重言濟濟多士三三又同兆云毛如字未詳所出韓詩云鬻除也重言王清廟本詩云

丞丞皇皇不吳不揚不告于訕在泮獻功重言皇皇美也揚傷也箋云丞丞猶進進也皇皇當作晬晬唯唯德

往社也吳譁也訕訕也言多也之於伐淮夷皆勸之有進進往

往之心不謹譁不大聲信公還在泮宮又無以爭訟之事告於

治訟之官者皆自獻其功丞之承反皇毛如字鄭作晬于况反

吳鄭如字謹也又王音誤作吳音話同場余重言不吳不揚終

章反訕音凶訕音歡訕音花爭爭鬪之爭重言衣不吳不敷

角弓其觶束矢其搜戎車孔博徒御無斃既克

淮夷孔淑不逆重言觶弛貌五十矢為束搜衆意也箋云角弓

當作傳其傳致者言安利也徒行者御車者皆敬其事又無厭

卷也信公以此兵衆伐淮夷而勝之其士卒燕順軍法而善無

有為逆者謂埋并刊木之類觶音糾搜依字作按色留反博徐

公羽如字王同大也鄭作傳音附繩木又作射又作數作擇皆

音亦厭也馳式氏反本又作施同致直置反重言式固爾猶淮

尊忽反重言音因塞也刊若于反服虔云削也

夷卒獲重言箋云式用猶謀也用堅固女軍謀之故故淮夷盡可

獲服也謀謂度己之德慮彼之罪以出兵也度待洛

反重言翻彼飛鴉集于泮林食我桑黽懷我好音重言飛

貌鴉所聲之鳥也黽桑實也箋云懷歸也言鴉恒惡鳴今來止

於泮水之木上食其桑黽為此之故故改其鳴歸就我以善音

喻人感於因則化也重言音篇鴉呼嬌反重言憬彼淮夷來獻其

琛元龜象齒大賂南金重言憬遠行貌琛寶也元龜尺一十

廣也廣賂者賂君及卿大夫也荆揚之州貢金三品重言九永反

沈又孔永反說文作贖音橫云闊也一日廣大也琛物金反重言

泮水八章章八句

闕宮頌僖公能復周公之宇也重言宇居也闕筆位反

闕宮有恤實實枚枚重言闕閉也先妣姜嫄之廟在周常閉

而無事孟仲子曰是祿宮也恤清

泮水

淨也實實廣大也故故龍密也箋云閱神也姜嫄神所依故廟曰神宮也况或反說文云靜也一音火季反故莫回反韓詩云問暇無人之貌也音元赫赫姜嫄其德不回上帝

是依無災無害彌月不遲上帝是依其身也彌終也赫赫乎顯著姜嫄也其德真正不回邪天用是為依而降精氣其任之又無災害不圻不副終人道十月而生于不遲晚災字又作災本亦作藹音同邪以嗟反馬依本又作曠同皮

陵反一本作馬依其身圻初宅反裂也副字逼反重見鼓鍾又大明厥德不意彌月不遲生民誕彌厥月

生后稷降之百福黍稷重穰種穰救麥奄有下

國俾民稼穡先種曰種後種曰穰箋云亦猶覆也姜嫄用蓋天下使民知稼穡之道言其不空生也后稷生而名棄長大克登用之使居稷官民賴其功後雖作司馬天下猶以稷稱焉重音容反本又作種同稷音六本又作稷音同種徵力反徐時以反韓詩曰長稼也種音雅韓詩云幼稼也殺音收大豆也

俾必爾反本又作卑重言黍稷重穰奄有四方元鳥奄有

九有稷有黍有稻有秬奄有下土續禹之緒業

岐之陽實始翦商翦齊也箋云翦斷也大王自幽徙居岐陽四方之民咸歸往之於時而有

皇至于文武續大王之緒致天之届于牧之野

無貳無虞上帝臨女虞誤也箋云屆極虞也文王武王繼大王之事至受命致太平夫

所以罰屨紆於商郊牧野其時之民皆樂武王之如是故戒之云無有二心也無復計度也天視護女至則克勝音戒音

各反下同復扶又反重言重見大明敦商之旅克咸厥

后稷之孫實維大王居居岐之

也箋云秬黑黍也緒事也堯時洪水為災民不粒食大神多子

后稷以五穀禹平水土乃教民播種之於是天下大有故云繼

禹之事也美之故中說以明之

重言

王迹故云是始斷商天音泰後大王太平皆同

子跡反鄭斷也音短下同

重言

重言

重言

功 箋云敦治旅衆咸同也武王克殷而治商之臣民使得其所能同其功於先祖也后稷大王文王亦周公之祖考也伐紂周公又與焉故述之以美大魯數鄭王曰叔父建爾都回反注同王徐都門反厚也與音預

元子俾侯于魯大啓爾宇為周室輔 王成王也元云叔父謂周公也成王告周公曰叔父我立女首子使為君於魯謂欲封伯禽也封魯公以為周公後故云大開女居以為我周家之輔謂封以方七

乃命魯公俾侯于東錫之山川土田附庸 箋云東東藩魯國也既告周公以封伯禽之士田及附庸令專統之王制曰名山大川不以封諸侯附庸則不得專臣也藩方元反策初革反念力呈反

周公之孫莊公之子龍旂承祀六轡耳耳春秋匪解享祀不忒 周公之孫莊公之子謂僖公也耳耳然至盛也箋猶言四時也忒變也左文二年躋僖公逆祀也夏父弗忌

皇后帝皇祖后稷享以騂犧是饗是宜降福既多 騂赤犧純也箋云皇皇后帝謂天也成王以周公功大命魯郊祭天亦配之以君祖后稷其牲用赤牛純色與天子同也天亦饗之宜之多予之福騂也

周公皇祖亦其福女秋而載嘗其身而福衡白牲騂剛犧尊將將毛包 周公皇祖亦其福女秋而載嘗其身而福衡白牲騂剛犧尊將將毛包

載羹邊豆大房萬舞洋洋孝孫有慶 諸侯夏禘則不嘗唯天子兼之福衡設牛角以福之也白牲周公牲也騂剛魯公牲也犧尊有沙飾也毛包豚也載肉也羹大羹鉶羹也大房半體之俎也洋洋衆多也箋云此皇祖謂伯禽也載始也秋將嘗祭於夏則養牲福衡其牛角為其觸舐人也秋嘗而言始者秋物新成尚之也大房玉飾俎也其制足間有橫下有指似乎堂後有房然萬舞于舞也福音福逼也犧尊鄧素河反毛云有沙飾則宜同鄭王許宜反尊名也莊上羊反魚蒲包反載側吏反羹音庚又音衡洋音羊徐音翔論羊灼反殆咸夾反

闕宮

闕宮

逼有沙蘇河反刻鳳皇於尊其羽形婆娑然也一云蓋也孫字
又作狹徒門反銅字又作鉞音刑為其于偽反觚都禮反橫古
廣反一音光 **重言** 孝孫有慶 俾爾熾而昌俾爾壽而臧
稱方干反 重見楚茨

保彼東方魯邦是常不虧不崩不震不騰三壽
震動也騰乘也壽考也箋云此皆慶孝孫
之辭也俾使臧善保安常守也虧崩皆謂
毀壞也震騰皆謂僭踰相侵犯也三壽三
卿也岡陵取堅固也臧尺志反僭子念反 **重言** 如岡如陵 **公**

作朋如岡如陵 大國之賦千乘朱英
車千乘朱英綠滕一矛重弓 飾也滕繩也重弓重於
弓中人也箋云二矛重弓備折壞也兵車之法左人持弓右人持
直龍反注同 **重言** 勃亮反 **公徒二萬具胄朱綬丞徒增**

增 具胄具飾也朱綬以朱綴綴之增增衆也箋云萬二千五
數也丞進也徒進行增增然胄直又反綬自兼反說文云綬也
沈又蒼林反又音侵丞之升反增如字綬沈知稅反又張劣反

戎狄是膺荆舒是懲則莫我敢承 膺當承止也箋
與齊桓舉義兵比當戎與狄南艾 **重言** 則莫我敢承長 **互註** 孟
荆及羣舒天下無敢禦也艾音刈 **重言** 發則莫我敢曷 **互註** 滕
文公上他日子夏子張子游以有若似聖人欲以所事孔子事
之強魯子魯子曰不可江漢以濯之秋陽以暴之鳴鶴乎不可
尚已魯頌曰戎狄是膺荆舒是懲周公 **俾爾昌而熾俾爾**

壽而富黃髮台背壽眉與試 箋云此慶僖公勇於用
比皆壽徵也胥相也壽而相與試謂講
氣力不衰倦台背他來反下音貝 **重言** 黃髮台背行 **俾爾**

昌而大俾爾耆而艾萬有千歲眉壽無有害 箋
此又慶僖公勇於用兵討有罪也中時魯微弱弱為鄰國所侵削
今乃復其故故喜而重慶之俾爾猶使女也自壽秀眉亦壽徵
艾五蓋反中張 **泰山巖巖魯邦所詹奄有龜蒙遂**

荒大東至于海邦淮夷來同莫不率從魯侯之

闕宮

功 魯至也龜山也茅山也荒有也箋云奄覆荒奄也大東極東海邦近海之國也來同為同盟也率從相率從於中國也魯侯謂信公天音泰本又作泰下注 **重言** 莫不率從 **重意** 大室皆同荒如字韓詩作荒云至也 **重言** 三並本詩 **重意** 巖巖節南山 **保** 有鳧繹遂荒徐宅至于海邦淮夷

蠻貊 及彼南夷莫不率從莫敢不諾魯侯是若 **鳥** 山也繹山也宅居也淮夷蠻貊而夷行也南夷荆楚也若順也箋云諾應辭也是若者是信公所謂順也行下孟反鳥音符繹音亦

○**天錫** 公純嘏眉壽保魯居常與許復周公之字 **常** 許魯南鄙也郵箋云純大也受福曰嘏許許田也魯朝宿之邑也常或作嘗在薛之旁春秋魯莊公三十一年築臺于薛是與周公常有常邑許田未聞也六國時齊有子孟嘗君食邑於薛嘏古雅反與音餘 **魯侯** 燕喜令妻壽

母 之大夫庶士邦國是有既多受祉黃髮兒齒 **箋** 云燕燕飲也令善也信公燕飲於內寢則善其妻壽其母謂為之祝慶也與羣臣燕則欲與之相宜亦祝慶也是有猶常有

之 松新甫之柏是斷是度是尋是尺 **甫** 山也八尺 **日** 尋斷音短 **度** 待洛反 **松** 楠有鳥路寢孔碩新廟奕奕奕斯 **所** 作 **子** 奕奕者作是廟也箋云孔其碩大也奕奕奕美也脩舊曰新新者姜嫄廟也信公承衰亂之政脩周公伯禽之教故治正寢上新姜嫄之廟廟之先也奕奕斯作者教護屬功課章程也至文公之時大室屋壞楠音角方曰楠鳥音昔 **重言** 奕奕奕奕奕奕 **重意** 奕奕奕奕奕奕 **孔** 曼且碩萬民是若 **然** 也國人謂之順也曼音萬

閱 宮八章二章章十七句一章十二句 **一** 章二十八句二章章八句二章章十

句

閱 宮

閱 宮

閱 宮

閱宮

駟四篇二十三章二百四十三句

那詁訓傳第三十

毛詩商頌

陸曰商者契所封之地名成湯伐桀王天下遂以為國號後世有中宗高宗中興時有作詩頌之者當周宣王之時宋大夫正考父校商之名頌十二篇於周之大師以那為首歸而祭於先王孔子錄詩之時止五篇而已乃列之以備三頌

鄭氏箋

那祀成湯也微子至于戴公其間禮樂廢壞有正考甫者得商頌十一篇於周之大師以那為首

禮樂廢壞者君怠慢於為政不脩祭祀朝聘養賢待賓之事有司忘其禮之儀制樂師失其聲之節折由是散二也

自正考甫至孔子之時又無亡篇矣正考甫孔子之先也其祖弗用何以有宋而授厲公那乃何反微子名啓紂庶兄周武王封之於宋為殷後正考父音甫本亦作甫宋濬公之曾孫孔子七世祖大音奏後大甲大古大戊六祖皆放此朝直遙反折之

設。猗與那與置我鞀鼓

猗歎辭那多也鞀鼓樂之所成也夏后氏足鼓殷人置鼓周人

縣鼓篋工置讀曰植植鞀鼓者為編貫以備之美湯受命伐桀定天下而作漢樂故鞀之多其改夏之制乃始植我殷家之樂鞀與鼓也鞀雖不植貫而搖之亦植之類猗於宜反與音余下同置毛如字般人置鼓鄭作植字時職反又音植鞀音挑小鼓也夏戶雅反注同縣音玄下同楹音盈柱也貫古亂反獲戶故反殷湯樂曰大獲

列祖湯孫奏假綏我思成

循樂也列祖湯有功德之祖也假大也箋云奏鼓奏

堂下之樂也列祖湯也湯孫大甲也假升綏安也以金奏堂下諸縣其聲和大簡簡然以樂我功烈之祖成湯湯孫大甲又奏升堂之樂弦歌之乃安我心所思而成之謂神明來格也禮記曰齊之日思其居處思其笑語思其志意思其所樂思其所者齊二日乃見其所為齊者祭之日入室後然必有見乎其位周旋出戶肅然必有聞乎其容聲出戶而聽愜然必有聞乎其敬息之聲此之謂思成循苦旦反假毛古雅反鄭作格升也樂音洛下以樂我同齊側皆反本亦作齋下同音市志反為于偽反後音膠懈重言循我烈祖重意綏我思成烈鞀鼓淵淵嘒嘒苦代反重見初筵重意祖資我思成鞀鼓淵淵嘒嘒

那

嘒管聲既和且平依我磬聲

嘒管然和也平正平也依倚也磬聲之情者也

以象萬物之成周尚臭般尚聲篋云磬玉磬也堂下諸樂與諸管聲皆和平不相奪倫又與玉磬之聲相依亦謂和平也玉磬尊故異言之淵古玄反又烏玄反嘒呼惠反備於綺反

重意 既和且平

於赫湯孫

穆穆厥聲庸鼓有數萬舞有奕

於赫湯孫盛矣湯為天子孫也大鍾

曰庸數數然盛也亦非然閑也篋云穆穆美也於盛矣湯孫呼大甲也此樂之美其聲鍾鼓則數數然有次序其干舞又謂習於音焉注同庸如字依字作編大鍾也數實繹並音亦繹字亦作憚同

我有嘉賓客亦不爽

懌自古在昔先民有作溫恭朝夕執事有恪

也先王稱之曰在古古曰在昔昔曰先民有作有所作也恪敬也箋云嘉賓客謂二王後及諸侯來助祭者我客之來助祭者亦不說懌乎言說懌也乃大古而有此助祭之禮非專於今也其禮儀溫溫然恭敬執事薦饌則又敬也恪苦各反訕音愴下同薦成練反本又作

重意 詩先民有言

顧子丞嘗湯孫之

將

箋云顧猶念也將猶扶助也嘉賓念我殷家有時祭之事而來者乃大甲之扶助也序助者來之意也丞之承反

重言 顧子丞嘗湯孫之將重見烈祖

那一章二十二句

烈祖祀中宗也

中宗殷王大戊湯之玄孫也有祭穀之異懼而脩德殷道復興故表顯之號為中宗

烈祖烈祖有功德烈之祖

嗟嗟烈祖有秩斯祐申錫無疆及爾斯所既載清酏賚我思成

秩常申重酏酒賚賜也箋云祐福也賚讀如往來之來嗟嗟乎我功烈之祖成湯既有此玉天下之常福天又重賜之以無竟界之期其福乃及女之此安女女中宗也言承湯之業能興之也既載清酒於尊酌以裸獻而神靈來至我致齊之所思則用成重言嗟美歎之深也音戶

音同王天下于况反音境本又作境德古亂反聲側皆反本亦作

亦有和羹既戒且平駿假無言時靡有爭

那 烈祖

綏我眉壽黃耆無疆

戒至醜總假大也總大無言無爭也箋云和羹者五味調腥孰得節

食之於人性安和喻諸侯有和順之德也我既裸獻神靈不至亦復由有和順之諸侯來助祭也其在朝中既恭肅敬戒矣既

齊立乎列矣至于設薦進俎又總升堂而齊一皆服其職勤其事寂然無言語者無爭訟者此由其心平性和神靈用之故安

我以壽考之福歸美焉醴子東反假毛古雅反鄭音格至也下以假以享同爭爭鬪之爭注同音安也音苟總音摠調

音條裸重音綏我眉壽重見江漢。互註左昭二十年詩曰亦音濯綏我眉壽重見江漢。有和羹既戒且平注

云言中宗能與賢者和齊可否其政如羹戒且平醜敬無言時靡有爭注云言總大政能使上下皆如和羹。記中庸詩曰

賞而民勸不怒而民威於鉞。約軼錯衡八鸞鶴鶴

以假以享我受命溥將自天降康豐年穰穰

鶴鶴言文德之有聲也假大也箋云約軼轂飾也鸞在轡四馬則八鸞假升也享獻也將猶助也諸侯來助祭者象轂金飾錯衡之車駕四馬其鸞鶴鶴然聲和言車服之得具正也以此

來朝升堂獻其國之所有於我受政教至祭祀又溥助我言得

萬國之歡心也天於是下平安之福使年豐軼郊文反音如字徐又采故反軼七羊反本亦作繹音普穰如羊反轂飾上古

木反下音式繹波苗反。約軼錯衡八鸞鶴鶴重。來假來

象直轉反朝直遙反。見采芭但鶴字不同。來假來

饗降福無疆。箋云饗謂獻酒使神饗之也諸侯助祭者來音格鄭云升。顧予烝嘗湯孫之將。箋云此祭中宗諸侯也王云至也。顧予烝嘗湯孫。將者中宗之饗此祭由湯之功故本言之也。重音。顧予烝嘗湯孫

之將重見那詩

列祖一章二十二句

玄鳥祀高宗也

祀當為禘禘合也高宗殷王武丁中宗玄孫之孫也。有雉之異又懼而脩德殷道復興故亦表顯之號。高宗云崩而始合祭於契之朝歌是詩

焉古者君喪三年既畢禘於其廟而後禘祭於太祖明年春禘于羣廟自此之後五年而再殷祭一禘一禘春秋謂之大事玄鳥燕也一名馭音乙祀毛王如字鄭作禘戶夾反三年喪畢之祭也。雉古豆反之裏尚書云高宗祭成湯有飛雉升鼎耳而雉是也。復扶又反契息列反殷之始祖也本又作禘同又作高占

列祖 玄鳥

字也後放此古者喪三年既畢禘於太祖明年禘于羣廟一本
作古者君喪三年既畢禘于其廟而後禘祭于太祖明年春禘
于羣廟案此序一注舊有兩本前禘後禘是前本兩禘夾一禘是後本也○天命玄鳥降而生

商宅殷上芒芒玄鳥也春分玄鳥降湯之先祖有娥氏
女簡狄配高辛氏帝帝率與之祈于郊禱

而生契故本其為天所命以玄鳥至而生焉芒芒大貌箋云降
下也天使既下而生商者謂胤遺郊娥氏之女簡狄吞之而生
契為堯司徒有功封商堯知其後將興又錫其姓焉自契至湯
八遷始居亳之殷地而受命國日以廣大芒芒然湯之受命由
契之功故本其天意芒莫剛反後同娥夙忠反契母之本
國名也禘音梅本作高禘勉力管反龜傍各反商地名

帝命武湯正域彼四方方命厥后奄有九有正長

城有也九有九州也箋云古帝天也天帝命有威武之德者成
湯使之長有邦域為政於天下方命其君謂編告諸侯也湯有
是德故覆有九州為之王有四方長發九有有截商之

先后受命不殆在武丁孫子武丁高宗也箋云后君
也商之先君受天命而

行之不解殆者在高宗之孫子言武丁孫子武王靡不

勝龍旂十乘大糇是承勝任也箋云交龍為旂糇黍稷
也高宗之孫子有武功有王德

於天下者無所不勝服乃有諸侯建龍旂者十乘奉承黍稷而
進之者亦言得諸侯之歡心十乘者二王後八州之大國王于
况反又如字注同勝毛音升鄭式證反乘繩證反邦畿千里
注同糇尺志反韓詩云大祭也任音壬下何任同

維民所止肇域彼四海畿疆也箋云止猶居也肇當作
北王畿千里之內其民居安乃

維河殷受命咸宜百祿是何景大貞均何任也箋云
假至也祁祁衆多也貞

古文作云河之言何也天下既蒙王之政令皆得其祈而來朝
難貢獻其至也祁祁然衆多其所貢於殷大至所云維言何乎
言殷王之受命皆其宜也百祿是何謂當擔負天之多福假音
格下同祁巨移反或上之尺之二反貞毛音圓鄭音云河王以
為河水本或作何何音河河可反本亦作苛音同鄭重意百祿
云擔負也下篇何天同朝直送反擔都藍反下篇同

玄鳥

長發百祿是互註左隱公二年宋穆公卒殤公即位君子曰宋
道百祿是總宣公可謂知人矣立穆公其子饗之命以義
夫商頌曰殷受命咸宜
百祿是荷其是之謂乎

玄鳥一章二十二句

長發大禘也

大禘郊祭天也禮記曰王者禘其祖之所自出以其祖配之是謂也長如字禘大計反王

云殷祭也王者

干况反又如字。濬哲維商長發其祥洪水芒芒禹

敷下土方外大國是疆幅隕既長

濬深洪大也諸

隕均也箋云長猶久也隕當作負負謂周也深知乎維商家之德也久發見其舊祥矣乃用洪水禹敷下土正四方定諸夏廣大其竟界之時始有王天下之萌北歷虞夏之世故為久也濬音峻哲陟列反或作哲音亡依韻音亡疆居良反竟界也幅方目反隕音圓徐于貧反夏戶雅反下皆同知音音見賢遍反禘音貞祥也竟音境王天下于况反下湯王言王之王德皆同

有娥方將帝立子生商

有娥契母也將大也契生商也箋云帝黑帝也禹敷下土之時

有娥氏之國亦始廣大有女簡狄吞黿卵而生契堯封之於商後湯王因以為天下號故云帝立子生商

玄王桓

撥受小國是達受大國是達率履不越遂視既

發玄王契也桓大撥治履禮也箋云承黑帝而立子故謂契為玄王遂猶徧也發行也玄王廣大其政治始堯封之商

為小國舜之末年乃益其土地為大國皆能達其教令使其民循禮不得踰越乃徧省視之教令則盡行也撥本末反韓詩作發發明也徧音遍治有吏反相土烈烈海外有截相土契孫也烈烈威也箋云截整齊也相

土居夏后之世承契之業入為王官之伯出長諸侯其威武之盛烈烈然四海之外率服截爾整齊和息亮反注相土皆同截才結反長帝命不違至于湯齊至湯與天心齊箋云帝命不違者天之所以命

契之事世世行之其德浸大至於湯降不違聖敬日躋

昭假遲遲上帝是祗帝命式于九圍

不遲言疾也躋升也九圍

九州也箋云降下假假祗敬式用也湯之下土尊賢甚疾其聖敬之德日進然而以其德聰明寬服天下之人遲遲然言急於

已而緩於人天用是故敬愛之也天於是又命之使用事於天
下言王之也日躔子方反鄭注禮記讀上為湯躔讀此為日齋
齋莊也假古雅反鄭注暇也徐云毛音格鄭音暇案王肅訓假
為至格是王音也沈云鄭箋云寬暇以此義訓非轉字也祗謂
時反下士
互註 記孔子問居子夏曰敢問何謂三無私孔子曰
遇嫁反天無私覆地無私載日月無私照泰斯三者以
勞天下此之謂三無私其在詩曰帝命不違至于湯齊湯降不
澤聖敬日齊假進進上帝是祗帝命式于九圍是湯之德也
注云是湯之德者是也
湯奉天無私之德也
受小球大球為下國綴旒何天

之休 球玉綴表旒章也箋云綴猶結也旒旌旗之垂者也休
美也湯既為天所命則受小玉謂尺二寸圭也受大王
謂與也長三尺執圭指與以與諸侯會同結定其心如旌旗之
旒旒著焉擔負天之美譽為眾所歸鄉球音求美玉也下同綴
陟少反徐又張衛反毛云表也鄭云結也注同休虛蚪反豨吐
頂反天子玉笏長三尺行上終葵首直亮反綴所銜反豨直
略反鄉本亦作鄉
許亮反下篇同
不競不絀不剛不柔敷政優優百
綠是道練急也優優和也道聚也箋云競逐也不逐不與
人爭前後練音求徐音糾道子由反又在由反

龍 共法駿大尾厚龍和也箋云共執也小共大共猶所執攝
其毛音恭鄭音拱執也一云毛亦作拱駿音峻鄭俊也又一云
毛亦作俊讀厯莫邦反徐云鄭音武講反是叶拱及龍韻也龍
鄭作龍難恐疎懼也箋云不震不動不可驚憚也敷音孚本亦作傳難
如版反練小勇反總子孔反本亦作駮音定恐曲勇反懼丹末
反

武王載旆有虔秉鉞如
火烈烈則莫我敢曷
武王湯也旆旗也虔固曷害也箋
云有之言又也上旆美其剛柔得
中勇毅不懼於是其武功有王德及建旆與師出也又固持其
鉞志在誅有罪也其威勢如猛火之炎熾誰敢禦害我旆蒲貝

長發

反戩音越 **苞** 則莫我敢昌 **苞有三蘂莫遂莫達九**

有有截 苞本蘂餘也箋云苞豐也天豐大先三正之後世謂

於天者故天下歸鄉湯九州齊 **韋顧既伐昆吾夏桀**

韋顧二國名也漢書古今人 **昔在中葉有震且業允**

也天子降子卿士 業世也業危也箋云中世謂相土也

子孫討惡之業湯尊而與之信也天命而予之下予之卿士謂

實維阿衡實左右商王 阿衡伊尹也左右助也箋云阿衡平也伊尹湯所依倚而取

平故以為官名商王湯也左音佐注同右音又注同阿於綺反

同下

長發七章一章八句四章章七句一章

九句一章六句

殷武祀高宗也。撻彼殷武奮伐荆楚深入其

阻裒荆之旅 撻疾意也殷武殷王武丁也荆楚荆州之楚

殷道衰而楚人叛高宗撻然奮揚威武出兵伐之冒入其險阻

謂踰方城之隘克其車率而俘虜其士衆撻他達反韓詩云達

也深面規反說文作梁從內米云冒也阻莊呂反險也 **有截**

其所湯孫之緒 箋云緒業也所猶處也高宗所伐之國

孫大甲之等功業 **維女荆楚居國南鄉昔有成湯**

自彼氐羌莫敢不來享莫敢不來主曰商是常

鄉所也箋云氐羌夷狄國在西方者也享獻也世見曰王維女

楚國近在荆州之域居中國之南方而皆叛乎成湯之時乃氏

長發 殷武

羌遠夷之國來獻來見曰商王是吾常君也此所用責楚之義女乃遠夷之不如氏都帝反世見賢遍反而皆音佩。天

命多辟設都于禹之績歲事來辟勿予禍適稼

穡匪解辟君適過也箋云多穀也來辟猶來王也天命乃令天下眾君諸侯立都於禹所治之功以歲時來朝觀

於我殷王者勿罪過與之禍適徒勅以勸民稼穡非可解倦時楚不脩諸侯之職此所用告曉楚之義也禹平水土弼成五服而諸侯之國定是以云然多辟音壁下同注放此下者僻邪也適百華反徐兼華反音訓韓詩云數也韻音懈注同朝直遙反

○天命降監下民有嚴不僭不濫不敢怠遑命于

下國封建厥福嚴敬也不僭不濫賞不僭刑不濫也封大嚴明之君能明德慎罰不敢怠惰自暇於政事者則命之於小國以為天子大立其福謂命湯使由七十里王天下也時楚僭號王位此又所用告曉楚之

義僭于念反王天下于况反五注左襄二十六年善為國者賞人刑濫則懼及善人若不率而過寧僭無濫與其失善寧其利產無善人則國從之商頌有之曰不僭不濫不敢怠遑命于下

國封建厥福此湯寺二十之所所以獲天福也。商邑翼翼四方之極赫赫厥聲

濯濯厥靈壽考且寧以保我後生商邑京師也箋云極中也商邑

之禮俗翼翼然可則效乃四方之中止也赫赫乎其出政教也濯濯乎其見尊敬也王乃壽考且安以此全守我子孫此又用商德重告曉楚

之義重直用反重意壽考且寧伐。陟彼景山松柏九九

是斷是遷方斷是虔松栢有挺旅楹有閑寢成

孔安九九易直也遷徙虔敬也挺長貌旅陳也寢路寢也箋云棋謂之虔升景山掄材木取松栢易直者斷而遷之

正斷於楹上以為楹與眾楹路寢既成王居之甚安謂施政教得其所也高宗之前王有廢政教不脩寢廟者高宗復成湯之道故新路寢焉斷音短注同斷陟角反說文云所也虔其連反爾雅作榘音角榘音五稟反又力鱣反柔挺物同耳字音擅俗作易以或反下同榘陟全反掄音門反擇也沈音倫理也

殷武六章三章章六句二章章七句一

殷武

章五句

那五篇十六章百五十四句

監本纂圖重言重意互註毛詩卷之二十



圖書在版編目(CIP)數據

監本纂圖重言重意互註點校毛詩/[漢]毛萇撰、[漢]鄭玄箋;[唐]陸德明釋文.—北京:北京圖書館出版社, 2003.4

(中華再造善本)

ISBN 7-5013-2015-2

I. 監… II. ①毛… ③鄭… ④陸… III. 詩經—注釋
IV. I222.2

中國版本圖書館CIP數據核字(2002)第009966號

ISBN 7-5013-2015-2



9 787501 320158 >

書名 監本纂圖重言重意互註點校毛詩(全八冊)
著者 [漢]毛萇 傳 [漢]鄭玄 箋 [唐]陸德明 釋文

出版 北京圖書館出版社(100034 北京市西城區文津街七號)

Tel:(010)66151313 Fax:(010)66174391

E-mail: Btfxb@publicf.nlc.gov.cn

Website: www.nlcpress.com

造紙 華寶齋
印刷 杭州富陽古籍印刷廠

開本 八

印張 九五·五

版次 二〇〇三年四月第一版第一次印刷

印數 一·一五〇〇

書號 ISBN 7-5013-2015-2/K·476
定價 二二九二圓

